

ՎԵՐԱՏՐԱՏՄԱՆ ԿԱԶՄԱԿԵՐՄԱՆ ԿԱՐԳԻ  
ԿԱՆՈՆ ԳՆԱԿՈՒԹՅԱՆ ԿԱՐԳԻ 1 ԱՄԿԱԳՐՈՒՄ

Ավարտական հետազոտական  
աշխատանք

Անվան  
Երկրագործություն ուն

Թեմա

Խաղաղություն և պատերազմ

Կատարող

Լուսինա Կարսյան

/անուն, ազգանուն հայրանուն/

Շիրակի մարզի Շիրակի միջնակարգ դպրոց, Երկրագործություն ուն  
/դպրոց մասնագիտություն ուն, ըստ վերաբերման իսկ/

Շեղանակ

Կիլոյ ազգագրական

/անուն, ազգանուն/

ԳՅՈՒՄԻ 2023

## Բովանդակություն

Ներածություն .....	3
Պատերազմը որպես սոցիալական երևույթ:.....	4
Առաջին համաշխարհային պատերազմ:.....	6
Երկրորդ համաշխարհային պատերազմ:.....	6
Առաջին համաշխարհային պատերազմ՝ .....	8
Երկրորդ համաշխարհային պատերազմ՝ .....	8
Տարածքային հակամարտություններ: .....	12
Հակամարտության հետևանքները:.....	15
Գրականության ցանկ .....	18

## Ներածություն

Թեման-խաղաղություն, պատերազմ

Այս թեման շատ արդիական է, իսկապես մեր երկրի իրավիճակից ելնելով, մինչ այդ մենք չէինք գիտակցում խաղաղության գինը, իսկ այժմ մեր միակ բաղձանքն է խաղաղությունը:

Թող ոչ մի տեղ չլինի պատերազմ, թող միշտ լինի խաղաղություն, անամպ երկինք:

## Պատերազմը որպես սոցիալական երևույթ:

Ժամանակակից քաղաքագիտությունը պատերազմը բնութագրում է որպես սոցիալական երևույթ ,որն իրենից ներկայացնում է պետությունների, ժողովուրդների, ազգերի, դասակարգերի սոցիալական խմբերի միջև հասարակական քաղաքական, տնտեսական, գաղափարական, ինչպես նաև ազգային, կրոնական, տարածքային և այլ հակասությունների լուծման ձևերից մեկը, որն իրականացվում է զինված բռնության միջոցներով:

Պատերազմի համար գլխավոր են համարում հետևյալ հատկանիշները:

1. Այն ծնվում է օբյեկտիվ-սուբյեկտիվ բնույթի խորքային քաղաքական ու սոցիալ-տնտեսական պատճառներից:
2. Նրա բովանդակությունը համապատասխանում է այն քաղաքական ու ռազմաստրատեգիական նպատակներին, որոնց կարելի է հասնել զինված բռնության եղանակով:
3. Պատերազմը հանգեցնում է հասարակական կյանքի բոլոր քաղաքական, տնտեսական, սոցիալական, հոգևոր ոլորտների վիճակի որակական փոփոխությունների, անխուսափելի է դարձնում դրա վերակառուցումը և ռազմական պահանջներին համապատասխանացումը:
4. Պատերազմը վարելու գլխավոր միջոցը զինված ուժերն են, լայնամասշտաբ գործողություններ կատարելու նրանց կարողությունը: Եվ վերջապես մի կարևոր տարբերիչ գիծ ևս:

5. Պատերազմը հանգեցնում է մեծաքանակ մարդկային զոհերի, նյութական և հոգևոր արժեքների կորստի, քայքայիչ ազդեցություն է ունենում ամբողջ հասարակության վրա:

Տարբեր են եղել նաև պատերազմների նպատակները; Օրինակ, նախնադարյան համայնական հասարակարգում տոհմերի միջև զինված բախումները պայմանավորված էին սնունդ, նոր որսատեղի, նոր արոտավայր ձեռք բերելու անհրաժեշտությամբ:

Ռազմական տեսությունը մեծ նշանակություն է տալիս պատերազմների դասակարգումը, որը հիմնվում է դրանց սոցիալ-քաղաքական հատկանիշների վրա: Տարբերվում են մասնավորապես արդարացի և ոչ արդարացի պատերազմները:

Արդարացի են համարվում այն պատերազմները, որոնք ժողովուրդները մղում են օտար ճնշումից ու շահագործումից ազատագրվելու, ազգային անկախության և հայրենիքը արտաքին ագրեսիայից պաշտպանվելու համար: Ոչ արդարացի են այլ տարածքներ նվաճելու, այլ ժողովրդի ազատագրական պայքարը ճնշելու, սեփական կամքը ուրիշին պարտադրելու նպատակով մղվող պատերազմները:

Գիտնականները հաշվել են, որ մարդկային հասարակությունն իր հինգուկես հազարամյա պատմության ընթացքում ընդամենը 292 տարի է ապրել առանց պատերազմների, լիարժեք խաղաղության պայմաններում:

Պատմության ընթացքում գրանցված պատերազմների թիվը հասնում է 15 հազարի: Ժամանակի ընթացքում պատերազմների հաճախականությունը նվազում է, բայց մեծանում է դրանց ընդգրկումը, պատերազմները դառնում են ավելի կործանարար, արյունալի ու դաժան: Գիտնականները նշում են, որ սկզբում պատերազմները գնում էին ցեղապետերի, ապա թագավորների

միջև, ավելի ուշ, ազգային պետությունների ձևավորումից հետո ժողովուրդների միջև;

Այժմ նկատելի է դառնում այն միտումը, որ համաշխարհային հակասություններն առավել սրվում են քաղաքակրթությունների միջև: Նորագույն ժամանակների ծնունդ են համաշխարհային պատերազմները, որոնք իրենց արյունոտ հորձանուտի մեջ ներքաշում են ամբողջ աշխարհը, գրեթե բոլոր պետություններին: Ռազմական փորձագետների կարծիքով նոր համաշխարհային պատերազմը, եթե այն սանձազերծվի, անպայման կլինի միջուկային պատերազմ և դրա բոցերում կոչնչանա մարդկային քաղաքակրթությունն ընդհանրապես:

### **Առաջին համաշխարհային պատերազմ:**

Պատերազմը սկսվեց 1914թ. հուլիսին Սերբիայի վրա Ավստրո-Հունգարիայի և Ռուսաստանի վրա Գերմանիայի հարձակումով: Այն տևեց 4 տարի 4 ամսի և ավարտվեց 1918թ. նոյեմբերին:

Պատերազմին մասնակցեց 38 պետություն՝ 1,5 մլրդ բնակչություն:

Դա աշխարհի այն ժամանակվա բնակչության 87%-ն էր: Սպանվածների թիվը կազմել է 10 մլն, վիրավորներինն ու խեղվածներինը՝ ավելի քան 20 մլն:

### **Երկրորդ համաշխարհային պատերազմ:**

Երկրորդ համաշխարհային պատերազմը նույնպես սանձազերծեց Գերմանիան: Պատերազմի սկզբում նրան հաջողվեց զավթել գրեթե ամբողջ ցամաքային Եվրոպան՝ Ատլանտյան օվկիանոսից մինչև Վոլգա: Ճապոնիան իր հերթին զավթեց Չինաստանի հյուսիս-արևելյան

մասը(Մանջուրիան), Մալազիան, Ինդոնեզիան, Ֆիլիպինները, Բիրման: Գերմանա-իտալա-ճապոնական առանցքի դեմ կանգնած էին «մեծ դաշնակիցները»՝ ԽՍՀՄ-ը, ԱՄՆ-ը, Մեծ Բրիտանիան, Ֆրանսիան և դրանց հարևան մեծ ու փոքր շատ երկրներ:

Երկրորդ համաշխարհային պատերազմի մեջ ներքաշված էին 72 երկիր, որտեղ բնակվում էին 2,4 մլրդ մարդ՝ աշխարհի բնակչության 96%-ը: Պատերազմի զոհերի թիվը կազմեց 5,5մլն մարդ:Պատերազմը ավարտվեց, պատերազմի հանցագործները միջազգային դատարանի կողմից ստացան իրենց արժանի պատիժը:

Հիմնադրվեց Միավորված Ազգերի Կազմակերպությունը ՄԱԿ, որն իր գլխավոր նպատակը հռչակեց խաղաղության պահպանումը դատապարտեց պատերազմը որպես միջազգային հարցերի լուծման միջոց;

Թվում էր,որ եկել էր ժամանակը,որպեսզի ժողովուրդներն իսկապես հրաժարվեն այդ միջոցից, 60 տարուց ավելի,որ մարդկությունը կարողանում է խուսափել նոր համաշխարհային պատերազմից, բայց տեղական պատերազմները դեռևս չեն վերացել:1945թ-ից ի վեր աշխարհի տարբեր մասերում տեղի են ունեցել առնվազն 80 տեղական պատերազմներ, որոնց ընթացքում զոհվել է մինչև 30 մլն մարդ:

Հատկապես տևական ու արյունահեղ են եղել քաղաքացիական պատերազմը Չինաստանում, որը տևեց 17 տարի և ավարտվեց 1949թ. Կորեական պատերազմը: (1952-1963 թթ.) ԱՄՆ-ի պատերազմը Վիետնամում (1964-1973 թթ.) պատերազմները Հնդկաստանի ու Պակիստանի, Իսրայելի ու արաբական երկրների, Իրանի ու Իրաքի միջև, խորհրդային ներխուժումը Աֆղանստան, որը տևեց ավելի քան 9 տարի,

Իրաքի ագրեսիան Քուվեյթի դեմ, Արևմտյան պետությունների ռազմական միջամտությունը Սերբիայում (Կոսովո), ամերիկյան զորքերի ներխուժումը Աֆղանստան և Իրաք, արյունահեղ պատերազմներ տեղի ունեցան Կոլումբիայում, Նիգերիայում, Ուգանդայում, Անգոլայում, Սոմալիում, Տաջիկստանում, Վրաստանում, Մոլդովայում, Ադրբեջանում, Հս. Կովկասում, նախկին Հարավսլավիայում: Դրանց մի մասը շարունակվում է մինչև այժմ:

### **Առաջին համաշխարհային պատերազմ՝**

Տևողությունը՝ 1914-1918թթ., մասնակցած պետությունների թիվը՝ 38, մասնակից պետությունների բնակչության թիվը՝ 1,5 մլրդ, զոհերի թիվը՝ 20մլն:

### **Երկրորդ համաշխարհային պատերազմ՝**

Տևողությունը՝ 1939-1945թթ., մասնակցած պետությունների թիվը՝ 72, մասնակից պետությունների բնակչության թիվը՝ 2,4 մլրդ, զոհերի թիվը՝ 55մլն: 1945թվ. ի վեր աշխարհի տարբեր մասերում տեղի է ունեցել առնվազն 80 տեղական պատերազմ, որտեղ զոհվել է 30մլն մարդ: Ռազմական գործողությունները կարող են ագրեսիայի ձև ընդունել: Ագրեսիա է կոչվում պետության ինքնիշխանության(սուվերեմիտետ) տարածքային անձեռնմխելիության կամ քաղաքական անկախության դեմ:Ագրեսիան արգելված է միջազգային իրավունքով:

Օկուպացիա է կոչվում այն դեպքը,երբ մի պետության զինված ուժերը ժամանակավորապես նվաճում են այլ պետության տարածքը և



հաստատում են նվաճված տարածքների զինվորական վարչություն (ադմինիստրացիա): Օկուպացված տարածքների ճակատագիրը սովորաբար որոշվում է պատերազմից հետո երկկողմ կամ բազմաթիվ բանակցությունների միջոցով: Քաղաքագետներից մեկը այն միտքն է հայտնել, որ պատերազմը սկսում են, երբ ցանկանում են, բայց ավարտում են, երբ կարողանում են: Համընդհանուր խաղաղություն պահպանելու գլխավոր պայմանն այն է, որ ամեն մի պետություն վստահ լինի, որ իր անվտանգությունն ապահովված է:

Միջազգային անվտանգությունը միջազգային հարաբերությունների այն վիճակն է, երբ բացառվում է ընդհանուր խաղաղության ամեն մի խախտում և ժողովուրդների անվտանգության որևէ սպառնալիք: Մարդկությունը մշակել է միջազգային անվտանգության պահպանման կայուն սկզբունքներ: Դրանք ամրագրված են միավորված ազգերի կազմակերպության կանոնադրության մեջ և մի շարք այլ միջազգային փաստաթղթերում: Այդ սկզբունքներից առանձնացնենք մի քանի առավել կարևորները:

- Միջազգային վեճերի լուծում խաղաղ միջոցներով:
- Միջազգային համագործակցություն տարբեր ազգային, տարածաշրջանային ու համամոլորակային հիմնախնդիրների լուծման համար:
- Ուժի և սպառնալիքի ցանկացած ձևի գործադրման բացառում:

Միջազգային անվտանգության կարևոր միջոցներից են ապառազմականացումը, ինչպես նաև միջուկազերծ և խաղաղության գոտիների ստեղծումը: Խաղաղության գոտի հասկացությունը սովորաբար կիրառվում է տարբեր պետություններ ընդգրկող ընդարձակ տարածաշրջանի նկատմամբ: Գոտու մեջ մտնող պետությունները

պարտավորվում են օրինակ, փոխադարձաբար նվազեցնել սեփական սպառազինությունների մակարդակը, վերացնել ռազմական հենակետերը և իրականացնել այլ ռազմական ու քաղաքական միջոցառումներ: Միջուկազերծ գոտի հայտարարվում է այն տարածքը, որտեղ հատուկ միջազգային պայմանագրերով արգելվում է միջուկային զենքի տեղաբաշխումը: Միջուկազերծ գոտի ստեղծելու դեպքում միջուկային տերությունները պարտավորվում են միջուկային զենք չտալ գոտու որևէ պետության և չօժանդակել այդպիսինի ստեղծմանը, միաժամանակ այդ պետության դեմ չկիրառել միջուկային զենք:

ՄԱԿ-ի Կանոնադրության համապատասխան միջազգային անվտանգության և խաղաղության պահպանման գլխավոր պատասխանատվությունը դրված է նրա հատուկ մարմնի՝ Անվտանգության Խորհրդի վրա:

Անվտանգության խորհուրդը օժտված է ամենալայն իրավունքներով, որոնց համար օգտագործվում են զինված ուժեր կամ զինվորական դիտորդներ: ՄԱԿ-ի խաղաղապահ ուժերը, որոնք հայտնի են նաև <<երկնագույն սաղավարտներ>> անունով (նրանք կրում են երկնագույն գլխարկներ), ֆինանսավորվում են ՄԱԿ-ի կողմից: Այդ ուժերը սովորաբար կատարում են 4 տիպի գործողություններ՝ խաղաղության պահպանում (եթե այն չի խախտված), խաղաղության հաստատման (եթե պատերազմը դեռ շարունակվում է), կանխիչ (նախազգուշական), դիվանագիտական և խաղաղ շինարարական (խաղաղ կոնֆլիկտի ավարտից հետո): ՄԱԿ-ի խաղաղապահ ուժերի գործողությունները մինչև այժմ ընթացել է 2 գլխավոր ուղղությամբ.

Ա. Ռազմական միջոցառումներ

## Բ. Քաղաքացիական միջոցառումներ

Ռազմական միջոցառումների մեջ մտնում են ապառազմականացված գոտու պարեկությունը, մարդասիրական քարավաններին ուղեկցող պահակախմբերի պաշտպանությունը, հրադադարի և դրա պայմանների կատարման վերահսկողությունը: Ռազմական միջոցառումներին են վերաբերում ապառազմականացված գոտու պարեկությունը, մարդասիրական, ռազմական կոֆլիկտի ավարտից հետո ժողովրդական տնտեսության ենթակառուցվածքի վերականգնմանն ու ստեղծմանն օժանդակելը:

Ակնհայտ է, որ ներկայումս երկրի վրա կուտակված բազմաթիվ հիմնախնդիրներ, որոնք համամարդկային ու համամոլորակային ընդգրկում ունեն, կարող են լուծվել միայն միջազգային հանրության համատեղ ջանքերով:

Միջազգային համագործակցությունը միաժամանակ միջազգային խաղաղության պահպանման կարևորագույն նախադրյալն է: Դա ժողովուրդներին մղում է բոլոր տեսակի վեճերը լուծելու բանակցությունների միջոցով: Միջազգային կազմակերպությունները 2 տիպի են՝ կառավարական և ոչ կառավարական: Ամենահեղինակավոր, առավել լայն իրավունքներով օժտված միջազգային կազմակերպությունը արդեն հռչակված է Միավորված Ազգերի Կազմակերպությունն է ՄԱԿ-ը: Այն ստեղծվել է 2-րդ համաշխարհային պատերազմից անմիջապես հետո (1945թ.), հռչակեց իր գլխավոր նպատակը՝ միավորել ինքնիշխան պետությունների ջանքերը հանուն միջազգային խաղաղության ու անվտանգության ապահովման, նպաստել ժողովուրդների միջև համագործակցության զարգացմանը:

Սկզբում միավորվեցին աշխարհի 51 պետություններ, որոնք ՄԱԿ-ի հիմնախնդիր անդամներն են: Այժմ ՄԱԿ-ի անդամների թիվը հասնում է 192-ի: ՄԱԿ-ի գլխավոր փաստաթուղթը նրա Կանոնադրությունն է, որը սահմանում է ՄԱԿ-ի անդամ պետությունների կարգավորման գլխավոր սկզբունքները: ՄԱԿ-ի Կենտրոնական մարմինը Գլխավոր **ասամբլե** է: Այն բաղկացած է ՄԱԿ-ի բոլոր անդամ պետություններից: Անվտանգության խորհուրդը բաղկացած է 15 անդամ երկրներից: Դրանցից հինգը՝ ԱՄՆ-ը, Ռուսաստանը, Մեծ Բրիտանիան, Ֆրանսիան ու Չինաստանը մշտական անդամներ են և միջազգային խաղաղության ու անվտանգության պահպանության համար հատուկ պատասխանատվություն են կրում:

Ռազմաքաղաքական թեկքում ունեցող ամենահզոր տարածաշրջանային կազմակերպությունը՝ ՆԱՏՕ-ն է: Այն միավորում է Հյուսիսային Ամերիկայի և Եվրոպայի 16 երկրներ, հիմնվել է 1949թ. և ուղղված է գլխավորապես նախկին ԽՍՀՄ-ի ու ՆԱՏՕ-ի հիմնադիր անդամներն են ԱՄՆ-ը, Բելգիան, Դանիան, Նիդեռլանդները, Նորվեգիան, Լյուքսեմբուրգը, Մեծ Բրիտանիան, Ֆրանսիան, Պորտուգալիան և Թուրքիան, Արևմտյան Գերմանիան և Իսպանիան (1982թ.), Իսլանդիան, Իտալիան, Կանադան:

### **Տարածքային հակամարտություններ:**

Պատերազմների բովանդակությունը և նպատակները կարող են շատ տարբեր լինել, բայց գլխավոր նպատակը եղել է, մնում է աշխարհագրական տարածքի ընդարձակումը, պետական սահմանների փոփոխումը: Այսպիսին են եղել առաջին և երկրորդ աշխարհամարտերը, այդպիսին է եղել նաև <<սառը պատերազմը>>, թեև արտաքինապես այն

շղարշված էր գաղափարական բովանդակությամբ: Այդ համաշխարհային պատերազմները և դրանց արդյունք հանդիսացող պետական տարածքների ու սահմանների վերաձևումներն ավարտված են, բայց այժմ էլ աշխարհում հաշվվում է 300 վայր որոնց շուրջը բորբոքվող վեճերը տարածքային հակամարտության են: Դրանցից 100 աշխարհի այսպես կոչված «թեժ կետեր են», որտեղ հակամարտությունը զինված բախումների տեսք է ստացել: Այդպիսիք են, օրինակ Հնդկաստանի ու Պակիստանի տարածքային վեճը Պարսից Ծոցի կղզիների համար, աֆրիկյան պետությունների միջև եղած սահմանային վեճերը: Հատկանշական է, որ Աֆրիկայի տարածքի 20% վիճելի տարածքներ են համարվում, իսկ պետական սահմանների 40% մինչև այժմ դեմարկացված չեն:

Կան նաև այնպիսի դեպքեր, երբ վիճելի տարածքը կտրվում է հակամարտող երկրներից շատ մեծ հեռավորության վրա: Օրինակ՝ Ֆոլկլենդյան (Մալվինյան) կղզիներն Արևմտյան կիսագնդի ծայր հարավում, որոնք հակամարտող կողմերից մեկից՝ Արգենտինայից հեռու են շուրջ 500 կմ, իսկ Մեծ Բրիտանիայից, ավելի քան 10000 կմ:

Տարածքային հակամարտությունները ըստ իրենց բնույթի կարելի է բաժանել 2 խմբի:

- Հակամարտություններ պետությունների միջև
- Հակամարտություններ պետությունների ներսում

Եվրոպայում վիճելի տարածքներ են եղել Գարի մարզը Գերմանիայի և Ֆրանսիայի միջև, Տրանսիլվանիան Հունգարիայի և Ռումինիայի միջև, Մակեդոնիան՝ Բուլղարիայի, Հունաստանի ու Սերբիայի միջև, Տրիեստը Իտալիայի ու Հարավսլավիայի միջև, Սիլեզիան՝ Գերմանիայի ու Լեհաստանի միջև և շատ այլ տարածքներ:

Պատմության ծանոթ են նաև այնպիսի դեպքեր, երբ տարածքային վեճերը լուծվել են խաղաղ ճանապարհով՝ երկկողմ ու բազմակողմ բանակցությունների միջոցով կամ էլ միջազգային դատարանի վճռով: Եվրոպայում տարածքային վեճի խաղաղ լուծման օրինակ է Տրիեստը: Խաղաղ սահմանային փոփոխությունների միջոցներն ու պատճառները կարող են տարբեր լինել: Երկու պետությունների միջև կարող է կատարվել համարժեք տարածքային փոխանակում: Կան նաև տարածքը վաճառելու դեպքեր, օրինակ, Ռուսաստանի կողմից Ալյասկայի վաճառքը ԱՄՆ-ին 1867թվ.:

Տարածքային փոխանակում կատարվեց Թուրքիայի և Իրանի միջև: Դա 1920-ական թվականների սկիզբն էր, որը ռուս-թուրքական պայմանագրով Ռուսաստանը ճանաչեց Թուրքիայի կողմից Կարսի մարզի և Սուրմալուի գավառի անեքսիան, ինչպես նաև պաշտոնապես ձևակերպվեց Նախիջևանի հանրապետության ստեղծումն Ադրբեջանի կողմից:

Տարածքային-էթնիկական հակամարտության զարգացման փուլերը:

- I) Հակամարտությունը թաքնված է:
- II) Հակամարտությունը դրսևորվում է բացահայտորեն:
- III) Հակամարտությունը ակտիվ ընթացք ունի:
- IV) Պաշտոնապես ձևակերպվում են հակամարտության հետևանքները:

## Հակամարտության հետևանքները:

Վաղ թե ուշ ռազմական գործողությունները դադարում են և հրադադար է հաստատվում: Հակամարտության քաղաքաաշխարհագրական հետևանքները կարող են լինել 2 տեսակի:

1. Վերադարձ հակամարտության ելակետային վիճակին և պետության ներսում քաղաքական ու սոցիալ-տնտեսական բարեփոխումների անցկացում: Այդ դեպքում պետության տարածքային ամբողջականությունը պահպանվում է, միջազգային իրավունքը և տարածքային հակամարտությունների կարգավորում է:
2. Միջազգային հարաբերությունները կարգավորվում են միջազգային իրավունքով: Միջազգային իրավունք վճռորոշ է դառնում հատկապես այն դեպքում, երբ հակամարտության արդյունքում փոքրամասնություն կազմող ազգը որոշում է անջատվել և ստեղծել իր սեփական ինքնիշխան պետությունը: Եթե միջազգային հանրությունը չճանաչի նորաստեղծ պետական կազմավորումը որպես միջազգային իրավունքի սուբյեկտ և չընդունի իր շարքերը, ապա այն կմնա մեկուսացված և որպես ինքնիշխան պետություն չի կայանա:

Հակազաղութային ինքնորոշում դա վերաբերում է նախկին գաղութային երկրների անկախացմանը, որը միջազգային հանրության միանշանակ հավանությանն էր արժանանում:

Ենթապետական ինքնորոշում, երբ գոյություն ունեցող պետության ներսում որոշակի էթնիկական խումբ (ազգային փոքրամասնություն) ձգտումը անջատվել և ստեղծել սեփական պետություն: Այս կատգերիային են պատկանում, օրինակ, Մայվանը և Տիբեթին

(Զինաստան), Փենջաբի (Հնդկաստան), Քրդստան (Թուրքիա), Քվեբեկի (Կանադա), Մերձընաստան (Մոլդովա) հիմնախնդիրները:

Միջազգային հանրությունը անդպետական ինքնորոշման դասական օրինակ է համարում Լեռնային Ղարաբաղի հայության պայքարը Հայաստանին միանալու համար:

Անհրաժեշտ չափանիշ է համարվում բնակչության ազգային կողմը:

Հաջորդ հատկանիշը ճողովրդի կամքի ազատ արտահայտությունն է, որի արդյունքում համաժողովրդական քվեարկության միջոցով ձայնի իրավունք ունեցող քաղաքացիների ոչ պակաս քան 2/3 համաձայն և ինքնիշխան պետության կարգավիճակին: Պետություններ կան, որ գոյություն չունեն <<դե յուրե>>, որովհետև միջազգային իրավունքի տեսակետից չեն ապացուցել իրենց օրինական լինելը և միջազգային ճանաչման չեն արժանացել:

Այդ պետություններն են Հյուսիսային Կիպրոսը, Թուրքական Հանրապետությունը, որը անջատվել է Կիպրոսի Թուրքական Հանրապետությունից: Մերձդնեստրյան Հանրապետությունը՝ Մոլդովայից, Աբխազական Հանրապետությունը՝ Վրաստանից, ԼՂՀ՝ Ադրբեջանից (ԼՂՀ թվարկվում է այս շարքում պայմանականորեն):

Կիպրոսի հիմնախնդիրը 20 տարուց ավելի է, ինչ Կիպրոսի Հանրապետությունը բռնի ուժով բաժանվել է 2 մասի: Կղզու բաժանումով մեծապես տուժել է երկրի էկոնոմիկան, կատարվել երկրի բնակչության <<էթնիկական գտումը>>՝ երկրի հյուսիսային մասում բնակվող Կիպրոսցի հույները, դրանց հետ մեկտեղ նաև մյուս քրիստոնյաները վտարվել են իրենց բնակավայրերից և տեղափոխվել հարավ, իսկ հարավի Կիպրոսցի թուրքերը տեղափոխվել հյուսիս: Կիպրոսյան հակամարտությունը Կիպրոսի թուրքերի և Կիպրոսցի հույների միջև է,



որոնց թիկունքում կանգնած են համապատասխանաբար Թուրքիան և Հունաստանը:

Ընդունված է ասել, թե Կիպրոսը դատապարտված է իր սեփական աշխարհագրական դիրքի գոհը լինելուն: Դրա ճշմարտությունը հաստատող փաստերը շատ են: Գտնվելով Եվրոպայի, Ասիայի, Աֆրիկայի սահմանագլխին, Կիպրոսը խոշոր պետությունների համար հաճախ կռվախնձոր է եղել և անցել է ձեռքից ձեռք:

Կիպրոսի անկախությունը հռչակվել է 1960թվ.: Այն ճամանակ արդեն կղզու հյուսիսային մասում ձևավորվել էր թուրք-կիպրոսցիների ոչ մեծ համայնք՝ երկրի ամբողջ բնակչության 18%:

Թող աշխարհի վրա թևածի խաղաղությունը, թող մեր երկիրը լինի խաղաղ ու հզոր: Խաղաղություն, խաղաղություն, խաղաղություն:

## Գրականության ցանկ

1. Վալեայան Ա.,
2. Վալեայան Լ. քաղաքական աշխարհագրության հիմունքներ Ե <<Լույս>>  
հրատարակիչ 1996